

Жаҳон банки ишгирокида “Ўзбекистонда COVID-19 коронавирус инфекциясига қарши курашиш бўйича попилинч чора - тадбирлар” лойиҳаси

Лойиҳа Жаҳон банкининг COVID-19га қарши чоралар кўриш Глобал ташаббуси доирасида тайёрланган, Ўзбекистоннинг Халқаро Тараққиёт Ассоциацияси (ХТА) ва Халқаро Тикланиш ва Тараққиёт Банки (ХТТБ) томонидан кўшимча молиялаштирилиши ҳисобидан, COVID-19 га тез жавоб бериш Механизми (ФТСФ) йўналишида молиялаштирилади.

Дунё бўйлаб одамлар COVID-19 пандемияси билан курашаётган бир пайтда, Жаҳон банки гуруҳи, мамлакатларга пандемияга қарши курашишда ёрдам беришни қўллашни қуйидаги тўртта устувор йўналишга эътибор қаратиб тезда мослаштирди:

- пандемия таҳдиди остида қолган одамларнинг ҳаётини сақлаб қолиш;
- аҳолининг кам таъминланган ва ижтимоий ҳимояга муҳтож қатламларини ҳимоя қилиш;
- иқтисод тикланишини жадаллаштириш учун асос яратиш.

«Ривожланаётган давлатлар мисли кўрилмаган саломатлик, ижтимоий ва иқтисодий инқирозга дучор бўлиб, ўнлаб йиллик тараққиётни хавф остига қўяётган бир пайтда, биз зарарли чекловчи тез ва кенг қамровли чора-тадбирларни аниқлаш ва мамлакатлар тикланиб кетиши учун уларни амалга ошириш устида фаол ишляймиз. Биз соғлиқни сақлаш тизимини мустаҳкамловчи, энг камбағал уй хўжалиқларини ҳимоя қилувчи, иқтисодиёт асосларини қўллаб-қувватловчи, тенгсизликларга қарши курашувчи ҳамда кучли ва барқарор тикланишни таъминловчи дастурлар орқали мамлакатларга пандемияни енгишда ёрдам беришга эътибор қаратмоқдамиз».

Жаҳон банки гуруҳи президенти Девид Малпасс

Ўзбекистондаги миллий ҳамкорлар билан яқин ҳамкорликда соғлиқни сақлаш тизимини мустаҳкамлашда Банк томонидан кўмак кўрсатиш йўналишлари белгиланди. Жаҳон банкининг кўмаги қуйидаги йўналишларда фаолиятни кучайтиришга қаратилган: (i) касалликнинг тарқалишини, касалланишни ва ўлимни минималлаштириш учун COVID-19 билан касалланган беморларни аниқлаш, изоляция қилиш ва уларга ёрдам ва даволанишни кўрсатиш орқали COVID-19 эпидемиясининг фавқулодда муаммоларини ҳал қилиш; (ii) соғлиқни сақлаш тизимининг қисқа муддатли ва узоқ муддатли салоҳиятини интенсив терапия бўйича кучайтириш; (iii) жамоатчиликни COVID-19 эпидемияси натижасида юзага келган фавқулодда вазиятларни бартараф этиш бўйича хабардорлигини яхшилаш ва ўргатиш учун самарали мулоқот кампанияларини амалга ошириш.



Ўзбекистон Республикаси Президенти Шавкат Мирзиёевнинг Жаҳон банки вице-президенти Анна Бърде бошчилигидаги делегация билан музокаралари (2021 йил 30 сентябр)

Лойиҳанинг биринчи босқичидаги фаолияти асосан тиббий асбоб-ускуналар, тест тизимлари, реагентлар, шахсий ҳимоя воситаларини фавқулодда харид қилиш, шунингдек, алоқа, аҳоли билан ўзаро ҳамкорлик ва кадрлар тайёрлаш соҳасидаги фаолиятни қўллаб-қувватлашга қаратилган. Кейинчалик, ихтисослаштирилган лаборатория ва шифохоналарда коронавирус инфекцияси билан касалланган беморларни ПЗР диагностикаси ва даволаш учун тест-тизимларни харид қилиш учун мамлакатимиз ҳукумати томонидан етарли маблағ ажратилиши муносабати билан, лойиҳа маблағларини 35 та туманлараро ихтисослаштирилган муассасалар (Ковид ёки бошқа пандемик инфекциялар фавқулодда авж олган тақдирда тезкор ҳаракат қилиш учун захира қуввати сифатида мамлакатимизнинг чекка ҳудудларида янги ташкил этилган ўткир юрак-қон томир касалликлари ва политравматик марказлар) салоҳиятини мустаҳкамлаш учун ажратишга қарор қилинди. Ушбу тиббиёт муассасаларида жами 1810 ўрин (шундан 333 таси реанимация ўринлари) ташкил этилади. Туманлараро марказларнинг умумий сонидан 24 та муассаса ўз фаолиятини бошлаган, қолган 11 та марказ яқин ойларда иш бошлайди.



Лойиҳа доирасида умумий қиймати 21,5 миллион долларлик 1115 дона (19 хил) замонавий тиббий асбоб-ускуналар харид қилиниб, лойиҳа объектларига етказиб берилди, шундан 17,5 миллион доллари лойиҳанинг асосий фондлари ҳисобидан, 4,0 миллион доллари эса қўшимча ажратилган грант ҳисобидан.

Айни пайтда умумий қиймати 7,1 миллион АҚШ долларига тенг юқори технологияли ускуналар (рентген тизимлари, ултратовуш диагностика асбоблари, кўп кесимли компьютер томографияси) етказиб берилиш жараёни кетмоқда. Умумий қиймати 11,5 миллион АҚШ долларига диагностика, умумий касалхона жиҳозлари ва жарроҳлик асбобларини харид қилиш бўйича тендер жараёнлари ўтказилмоқда.

